

Guangjisi Minzcu Bau

ganhhau: CN45-0036 B.2013 Nd.9 Ng.11 liggaeuq gveiqceih nienz ndwenbet cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3090期

Dasinh Yen Lanjhih Yangh Banh Vahdoj Beizyinbanh

大新县榄圩乡举办壮语方言培训班

“Dujgaeq (duzgaeq), dujbwnz (duzhanq), dujmuj(duzmou)……” Geij ngoenz gonq, youq ndaw Lanjhih Yangh cwngefuj veiyisiz, gyoengq bouxcoz he cingq nyinhcaen riengz lauxsae hag sawloih nem vahcoenz. Doenghboux gunghvuyenz nem guenmbanj dayozswngn ngamq daeuj haenx cingq hag “vahdoj” Lanjhih.

Gaenh bi daeuj, doenghboux diegwnq daeuj Dasinh dang gunghvuyenz nem guenmbanj haenx cug ngoenz cug lai. Gyoengqde dingzlai mbouj rox gangj vah dangdieg, hix dingq mbouj rox, neix hawj gyoengqde guhhong mbouj bienh. Vih hawj gyoengqde caeuq vunzmbanj engq ndei doxgyau, aen yangh neix guh le vahdoj beizyin hozdung, cawjdaez

heuhguh “lai ndei doxgyau, daezsang naengzlig guhhong”.

Vunz Huznanz siuj Dwng bi-gvaq dayoz bizyez le, doenggvaq gunghvuyenz gaujsi daeuj Lanjhih Yangh guhhong. Ndwencieng seizhaenx, gingciengz roengz mbanj bae guh hong mbaet dwkraemx coq diegoij nem diegdeih bienqdoengh. “Siengj mbouj daengz mbouj rox vah dangdieg caen mbouj fuengbienh. Ndaw mbanj haujai bouxcoz okbae dajgoeng lo, lij gyoengq bouxgeq youq, gyoengqde cungj gangj vah dangdieg, caeuq gyoengqde doxgyau gig hoj, guhhong caen mbouj ngaih lo.”

Cawzliux youq godangz hag sawloih nem vahcoenz ngaih haenx, gyoengq zozyenz bingzciengz lij

caeuq bouxcaemhhong dangdieg hag, roengz mbanj guhhong, couh yungh vah dangdieg caeuq vunzmbanj doxgyau. Ciuq cam rox, saw beizyin youz aen yangh neix boux senhconz vejyenz giethab vah guhhong yungh haenx bien baenz, aeu Vahgun nem vah dangdieg doxciuq, sijok gij mingz, seizgan nem vahcoenz ngaih—gwnhaeux, duzma, ganggoj……

Doenggvaq baez hozdung neix, hawj gyoengq gunghvuyenz nem guenmbanj dayozswngn cox haenx ndaej daezsang naengzlig guh hong lajmbanj, hawj gyoengqde youq lajmbanj gij dieg gvangqlangh neix engq ndei hag bonjsaeh ok goeng-rengz.

(Nungz Yicinh Cau Van'gyauj)

SIUSIK DINJ

简讯

● Ceiqgaenh, Dava Yauzcuz Swciyen doenggvaq bitsawq, mienhsawq, gaujcaz daengj, genj ndaej 26 boux dayozswngn saujsu minzcu daengz gak yangh(cin), hawj doenghboux guenmbanj engq maenhndei, daezsang banhsaeh yauliz. (Vangz Vwnzboh)

● Dangqna, Nazboh Yen Minzcu zigz ceng ndaej daih'it buek hanghmoeg cienzngaenz fazcanj saujsu minzcu 785 fanh maenz, neix youz Swcigih Minzvej, Swcigih Caizcwn Dingh bued hawj, ndawde, cienzngaenz guh hwng bien fouq minz 207 fanh maenz, hanghmoeg daveican 255 fanh maenz, hanghmoeg bangfuz canjyez 323 fanh maenz, gvendaengz 9 aen yangh(cin), 9320 vunz souh'ik. (Vangz Bizvaz)

● Daj bineix daeuj, Bingzgoj Yen guhsat hong ciem hezyi laebguh Bingzgoj Bya' gvanhyinh Funghginggih, Bingzgoj Vwnzva Funghcingz Daejniemh Lijyouz-yenz, Bingzgoj Gozci Veiyei Cungsim daengj 3 aen hanghmoeg hungmbwk, gungh roengz 17.8 ik maenz. (Vuz Anhginh)

● Gaenh bi daeuj, Sanh-gyangh Duncuz Swciyen roengz-rengz saedhengz aen giva hawj nungzminz demsou lai, comzrengz doihaeuj aen gunghcwngz fouqminz “aen mbanj aen daegsaek canjyez he”, gyavaiq nungzyez canjyezva, dabdaengz gij yaugoj “guh ndei mbanj he, dazyinx rangh he, hawj gyoengqvunz he fouqmiz”. (Yangz Mingz Gungh Bujganh)

● Daengz 6 nyied daej, Denhdwngj Yen guhsat hanghmoeg cienzngaenz cienhangh saujsu minzcu, gajguh nem gya' gvangq roen mbanj diuz he 1.2 goengleix, bu suiyniz coq roen 6 diuz 3.8 goengleix, gya' gvangq minzcu vwnzva hozdung cungsim mbanj gaep aen he, gungh 150 bingz-fanghmij. Miz 4 aen yangh (cin) 8 aen cunh 10 aen mbanj guh gij hanghmoeg neix, gungh 3186 vunz souh'ik. (Luz Linzhuj Vangz Souciz)

Lungzanh: Gij Daegsaek Ciet Lijyouz Vwnzva Naz Noengzna



隆安: “那”文化旅游节特色浓

9 nyied 5 hauh, 2013 nienz Gvangsijh Lungzanh ciet lijyouz vwnzva naz youq Lungzanh Yen Singzmbaj Vwnzva Gvangjcaenz gaihmu, baez ciet neix guh sam ngoenz. Youq banh ciet geij ngoenz haenx, aen yienh neix guh le vwnzva naz minzsuz codanzvei, diuz gai gijgwn naz, doxgaiq naz baij gai daengj, hozdung lai cungj lai yiengh, yienh'ok le vwnzva naz haj daih daegsaek, baugvat minzcu, dangdieg, youqndwi, lai fuengmienh, lai yiengh, aeu neix daeuj coicaenh dangdieg lijyouz daengj canjyez fazcanj, gya' gvangq caeuq baihgrog doxgyau. Ndaw doz dwg gyoengq yenjyenz cox cingq diuq foux minzcu gig ndei yawj haenx.

(Loz Cigwnj inj)

Lungzlinz: Coengh Guh Canjyez Hawj Saujsu Minzcu Demsou

隆林: 扶助产业促少数民族增收

Lungzlinz Gak Cuz Swciyen youq guh baez hong fuzbinz haifat ndawde aeu gajndeidei vanzging nem coicaenh fazcanj guh muzbyauh, aeu haenqrengz hawj saujsu minzcu baenzfouq guh gij yinvu ceiq naek, gyoebcomz gak bumwnz nem sevei swhyenz, roengzrengz guh ndei fuzbinz canjyez, coicaenh nungzminz demsou.

Aen yienh neix baengh swhyenz maenhndei diegbya, fazcanj iengangq, gosangh nonsei, vagimngaenz, gyoij-sihgung, makhwzdauz, siengmuengx

ciengx bya, cwz, yiengzbya'ndaem daengj nungzyez canjyez, cigiz damqra aen mozi“giyez daeuz+gihdi+ hozcozse + nungzhoh”, bangcoengh ung ok buek giyez daeuz nem canjyez gihdi, cugmbaek guhbaenz cungj mozi aeu canjyez bae fuzbinz haenx, couhdwg ranz he daiq lai ranz, mbanj he daiq lai mbanj, lai mbanj baenz gihdi, gihdi coicaenh giyez daeuz fazcanj. Seizneix, iengangq, gosangh nonsei, vagimngaenz, siengmuengx ciengx bya daengj canjyez gaeng baenz canjyez daeuz.

Daj bineix daeuj, daengx yienh caiq ndaem lwgmak daegsaek 2519 moux, iengangq 4.116 fanh moux, lai ndaem suensangh 1.0862 fanh moux, lai ndaem vagimngaenz 8955 moux, daengx yienh diegraemx ciengx bya miz 52727 moux, comz dieg guh siengmuengx ciengx bya menciz 12.5 bingzfanghmij, ciengx bya 1.876 fanh sieng. Bineix buenq bi gonq, daengx yienh nungzminz moix boux cienzhau souhaeuj 2264 maenz, doengzbeij demhwnj 10.6%.

(Dauz Dwzgvangh)